

SAKSPAPIR

Saksnr	Utval	Type	Dato
045/20	Formannskapet	PS	10.06.2020
035/20	Heradsstyret	PS	17.06.2020

Saksbehandlar	ArkivsakID
Linda Svidal Nordås	20/1192

Dagsturhytte

Vedlegg:

Fwd: Presisering av budsjett til dagsturhytte

Rådmannen sitt framlegg til vedtak:

Osterøy kommune set opp dagsturhytte i mai/juni 2021. Dagsturhyttene har som formål å motivere til auka fysisk aktivitet for kommunen sine innbyggjarar.

Formannskapet - 045/20

FS - behandling:

AVRØYSTING

Rådmannen sitt framlegg - tilrådd med 7 røyster (2SP,2AP,2FRP,1KRF) mot 1 røyst (1SP)

FS - vedtak:

"Osterøy kommune set opp dagsturhytte i mai/juni 2021. Dagsturhyttene har som formål å motivere til auka fysisk aktivitet for kommunen sine innbyggjarar."

Heradsstyret - 035/20

HS - behandling:

Til møtet vart e-post datert 16.06.20 med presisering av budsjett/finansiering av dagsturhytte sendt ut.

Jørgen Varden, AP, bad om vurdering av sin habilitet i saka som fungerande leiar i Osterøy turlag, då turlaget kan vera aktuelt for å ha driftsansvaret for hytta - han tok ikkje del i møtet ved avgjerd om gildskap - 26 medlemmer/varamedlemmer til stades

AVRØYSTING - gildskap

Jørgen Varden, AP vart samrøystes kjend gild.

Grunngjeving: Heradsstyret fann at det ikkje låg føre opplysningar som gjer han ugild etter fvl. § 6, 1.

ledd, bokstav e, nr. 1, då Osterøy turlag ikkje er part i saka.

AVRØYSTING

Formannskapet si innstilling - samrøystes vedteken

HS - vedtak:

"Osterøy kommune set opp dagsturhytte i mai/juni 2021. Dagsturhyttene har som formål å motivere til auka fysisk aktivitet for kommunen sine innbyggjarar."

Saksopplysningar:

Saksopplysningar:

Vestland Fylkeskommune skriv følgjande om dagsturhyttene på sine nettsider: «*Dagsturhytta er eit lågterskeltilbod for turgåarar. Ei hytte er om lag 15 kvadratmeter og er ein plass der du kan ete matpakka di, få litt varme i deg og bla i bøker. Alle kommunane i tidlegare Sogn og Fjordane har fått kvar si dagsturhytte. No held prosjektet fram i tidlegare Hordaland.*»

(<https://www.vestlandfylke.no/idrett-og-friluftsliv/dagsturhytta/> 11.05.20)

Kriteria for plassering av dagsturhytte:

- Lett tilgjengeleg/lett ankomst
- " Maks "15 min med bil frå kommunesenteret
- Maksimal høgde over havet; 700 meter
- Gangtid 25 - 45 minuttar
- Turmålet skal kunne brukast heile året
- Tomta må vere flat og ha fast fjell – maks 30 cm høgdeforskjell
- Mogelegheit for å sette opp sanitæranlegg
- God tilkomst

Administrasjonen i Osterøy kommune arbeider med å finne eigna plassering for hytta i tråd med ovannemnte kriterium.

Bakgrunn

Vestland fylkeskommune skal vidareføre eit prosjekt frå gamle Sogn og Fjordane om å sette opp dagsturhytter i gamle Hordaland fylke. Dagsturhyttene er primært eit folkehelsetiltak, sekundært eit kulturelt tilbod. Det skal ikkje vere dugnadsarbeid i forbindelse med å sette opp hyttene. Kommunen eig hytta, den daglege drifta vert gjort av lag og organisasjonar.

Alle dagsturhyttene i heile Vestland er like i storleik, utforming og farge, og kommer til kommunane med båt frå fabrikk som vant anbodet om å bygge dei. Det er ikkje varme, sanitær eller straum på hytta. Det er mogelegheit for sette opp ein utedo i nærleiken av hytta dersom tilhøva på tomte ligg til rette for dette.

Vurdering

Osterøy kommune vurderer at dagsturhytte er eit godt folkehelsetiltak. Viser til utfordringar/behov i oppvekstplanen:

- *overvekt blant born og unge*
- *ungdom er for lite fysisk aktive*

- *varierende kvalitet på friluftsområda, og behov for betre tilrettelegging og betre organisering kring vedlikehaldet av desse*

Dagsturhytta kjem såleis inn under tiltak i oppvekstplanen for å møte disse utfordringane:

- *tilrettelegging av gang og sykkelstiar, turløyper o.l.*
- *sikra tilgjengeleg natur og tilrettelagde friluftsområde*

Folkehelse

Det er lite som skal til av dagleg rørsle for å nå målet om ei betre folkehelse. Dagsturhyttene skal ha ein gangavstand som gjer at ein skal nå målet om «moderat aktivitet» ved ein tur dit. I tillegg skal det vere ein kulturell oppleving og ein attraksjon som gjer at fleire går på tur oftare; alt frå ungdom til barnefamiljar til eldre.

Evalueringane av dagsturhyttene i gamle Sogn og Fjordane viser at disse måla blir nådd.

Miljø

Dagsturhyttene skal ligge i ein avstand frå kommunesentera som gjer dei lett tilgjengeleg, og som aukar bruken av nærområdet.

Økonomi

Finansiering:

- Hordaland fylkeskommune: 200 000
- Spelemidlar
- Sparebankstiftinga 100 000
- Mva. ref
- Dugnad
- Kommunal eigenandel

Utgifter:

- Hytte: 750 000 kr + mva.
- Kostnader til transport av hytte frå kai, helikopterhiv og avgraving av tomt

Eventuelt toalett koster 90 000 + mva.

Fylkeskommunen ventar at kommunen prioriterer dagsturhytta i tildeling av spelemidlar.

Konklusjon

Osterøy kommune bygger dagsturhytta i mai/juni 2021. Vurdering av om toalett skal byggast vert teke når tomt er valt.